

UN

POCO

DI TUR COS

Jossy Mansur

Na India ta perfectamente eceptable pa homber usa pyama den publico. Pyama ta ecepta aya como un paña standard (comun) pa bisti den dia.

Julio Cesar a haya su mes obliga pa prohibi e trafico di vehiculonan cu wiel na Roma durante horanan di dia pa motibo di trafico congestiona.

Cansa di cana pariba pabao buscando un job, Hunphrey O'Sullivan, di Boston a dicidi di inventa hilchi di caucho.

Bo tabata sa cu tomato ketchup tabata ser bendi como medicina durante e añanan 1830? E tabata goza di gran fama na Merca como Dr. Miles's Compound Extract of Tomato.

James Russell Lowell (1819-1891): "Si bo kier ta sigur di algo, anto sea sigur di esaki: bo ta terriblemente mescos cu otro hendenan.

Forki a ser usa pa promer biaha den corte frances na año 1589.

Na Merca mas hero ta ser usa pa traha tapadera pa botter cu pa traha auto.

Si bo tira un moneda na laira 10 biaha pa mira con e ta cay, e rata ta 1,021 pa 1 cu e no lo cay ariba e mesun banda tur 10 biaha.

Na año 1977 mas aborto cu sacamento di amandel a tumma lugar na Merca.

E director di cine di Hollywood, D.W. Griffith a traha 450 pelicula entre añanan 1908 y 1913.

"Kaddara", un opera kirbi pa Hakon Borresen y produci na Copenhagen na año 1921 ta e unico opera kirbi ariba Eskimonan.

Bo tabata sa cu number berdadero di Roy Rogers ta Leonard Slye?

Como resultado di teremoto, 700,000 hende a muri na año 1976.

E animal mas veloz ta e cheetah, cu por core 70 milla pa hora ariba distancianan cortico y por accelera te 45 milla pa hora den apenas 2 seconde.

Ultimo palabranan di William Davenport na 1668: (pasobra e no por a caba un poema): "Lo mi pidi un ausencia pa desisti du caba cune, ya cu mi ta ser imterumpi pa un experimento mas grandi di morto".

E filosofo frances Voltaire tabata tin 80 wandelstok. Su contemporario, Jean Jacques Rousseau, tabata tin 40.

Na Florencia, Italia durante siglo 15, tabata prohibi pa ley pa muhernan usa boton.

Den e ceremonia matrimonial di e Incanan antiguo, e pareja tabata ser considera oficialmente casa ora cu nan tabata kita nan slofnan (sandalanan) y tabata duna nan na otro.

Bo tabata sa cu Daniel Webster, Abraham Lincoln, John Marshall y Stephen A. Douglas, cuanto di e abogadoonan mas famoso di Estados Unidos, nunca a bay un school di ley?

HULANDA A NEGLISHA PUBLICACION ORA ENCUANTO STATUS APARTE DI ARUBA

ORANJESTAD(AAN)—Diasabra Parlamento di Aruba no por a tuma un decision final encunto cambionan di Statuut, cu ta necesario pa logra Status Aparte, pasobra na Hulanda nan a negligia di publica e decreto real di dia 27 di juni nr. 19 den Staatsblad.

E decreto real aki ta dicidi cu e ley di reino cu stipulacionnan di transicion pa Aruba por haya status di pais den reino hulandes, lo a drenta na vigor dia prome di juli.

E ley aki cu e stipulacion nan di transicion ta duna Eilandsraad di Aru-

ba e autorizacion pa expresa su mes encunto e cambionan di Statuut en coneccion cu Status Aparte.

Eilandsraad di Aruba explicitamente mester aproba e cambio di Statuut cu por lo menos 2/3 parti di e votonan deposita.

Despues cu e reunion di parlamento a cuminsa diasabra mainta, esaki mester a wordo suspendi inmediatamente, pa motibo cu mester a delibera cu gobierno hulandes.

Minister Drs. J. de Koning encarga cu asunto nan Antillas, despues a manda Eilandsraad un

telex den cual e ta duna parlamento luz verde pa por sigui trata e asunto di cambionan di Statuut.

Den e telex ministro de Koning a laga sa cu e decreto real awor lo ser publica dia 18 di e luna aki.

Despues di esaki, parlamento a dicidi di continua cu e reunion encunto cambionan di Statuut, pero cu lo vota ariba esaki despues di dia 18 di e luna aki.

Ayerá madrugada un mocion a ser aproba den cual e miembronan ta declara solemnemente con nan lo vota despues di dia 18 di juni.

E mocion a ser aproba cu 17 voto na favor y 0 contra. PPA su fraccion prome cu votacion a bandona sala y Sr. Adri de Palm tabata ausente.

Door di aceptacion di e mocion e cambio di Statuut despues di dia 18 lo ser aproba sigur cu mas di 2/3 parti di e votonan.

Diasabra merdia Sr. Betico Croes a duna un splicacion extenso na e miembronan di Eilandsraad ariba e negligencia di Hulanda y tambe ariba e importancia pa por a haya e aprobacion, pa medio di un mocion, den cual e miembronan ta garantiza di lo vota na favor di e cambio di Statuut, despues di e publicacion den Staatsblad.



Diasabra anochi den un Aruba Palm Beach Hotel completamente yen a tuma lugar e show di Jose Feliciano. Esaki ta segundo vez cu e artista mundialmente conoci aki ta bishitando Aruba y ta atrae publico grandi pa su

presentacion. E show aki a resulta den un exito asina grandi cu ta ser pensa caba pa trece e artista Aruba mas pronto posible, asina cu su itinerario di contratonan duna e oportunidad pa esaki.



3 in 1

Completamente Diferente

REPRESQUERIA "OASIS"

un escape den centro di Oranjestad, pa un refrescante drink y rico snack.
HABRI for di 8.00 A.M. non-stop te 6.00 P.M.

"OASIS" VIDEO CENTER

cu un extenso surtido di bon pelicanan riba cassette VHS y BETAMAX.
HABRI for di 8.00 A.M. non stop te 9.00 P.M.

"OASIS" LUCKY CENTER

caminda bo por busca y purba bo suerte di tur dia.
HABRI for di 8.00 A.M. non-stop te 9.00 P.M.

OASIS 3 in 1 - the place for everyone